

Chindoto na Amaroro

Chumatato 12.9.2016

Obochenu ase Omotongi O Kare na Kare!

CHINDOTO NA AMARORO

na

Jeanine SAUTRON

EKANISA YA FILADELFIA

“ENTIGARI,”

eyio erendete AMACHIKO

a NYASAE, amo N’ESABATO YE RITUKO

RIA GATANO

NA KABERE, CHUMAMOSI,

NA OKWEGENA KWA YESO.

OKWEGENA KWA YESO:

NOMOIKA

BW’OBOBANI.

Chindoto na Amaroro

Egesieri 516, Oborori Namba 1

(1)

PARISI, OMOCHIE OMONENE O

FRANSI, OIRIRWE

NOMOBISA

O KRISTO NEBIRECHA BIAYE.

NIGO ARE BWANGO KOBA.

(2) **Aorokirie na Yeso,**

omwana o Nyasae.

Nigo ere omoerio

bw’ense.

Yeso ngochichare.

(3) Eriogi ria YESO, omwana o Nyasae, nigo riare koigwekana rire nechinguru rikorareria abamenyi b’ense omochando ore gesieri na monwa, oyio ore ang’e mono.

(4) Nigo kere egekurero gochia ase ense:

Obohe ase ense!

Obohe ase ense!

Omobisa o kristo nebirecha biaye

nigo bare ase egesieri gi’ense!

(5) Inkagenda ase oborori.

(6) Inkarigereria na inkarora ekemanyererio ase arikire

PARISI.

(7) Inkarora ng’a abamenyi bomochie oyo nigo baraire. Konyora bwachakire gokiamoka. Mambia chuni, saitani, omobisa o kristo, amo nebirecha biaye, bakarorekana ase amaiso aane, bakarorekana buna abanto bosio bwane. Baria batari kororekana bakaba abakororekana.

(8) YESO agantebia, “**Nigo bare emeika. Nabo bakororekana naende basire (baaka mbaro).**”

(9) Omobisa oyo o kristo amo nebirecha biaye barorekanire asende bare nokororekana kwa mwanyabanto. Ngasinywa konyegera. Inkairoka mono.

(10) Omobisa oyo o kristo, ore buna omonto nigo arenge gotaara noboenenu na ogwekaga, amaiso aye nigo arenge buna arimasi ime ase chinonka chiabo, na nyuma yaye abarwani esegi baye nao bare.

(11) Nigo esogete erongi y’echinisi ere buru na esati ebwate amatonto buna aye rioga ri’erosi ribariri. Risankwa riaye nigo riarenge rinetu, netukia yaye nigo yarenge imbariri, buna eya monto onde bwensi, otakagere ng’a nekerecha, saitani onga omonto.

(12) Abarwani esegi baye nigo barenge chibiloni ne chibiloni chia abasacha, beboyetie chianga chimwamu korwa omotwe mbaka inse ase ebisanyi bia amagoro, amo nechigoti chibwate chiglesia chigotuba omotwe, chitigete ribaga ase amaiso abo akororwa.

(13) Ebirecha nigo bibwate risankwa rirabu. Saitani, omobisa o kristo nigo arenge omobariri. Ekero namorigereretie inde ang’e nase are, ingetebia, “Inaroche omobisa oyo o kristo ore buna omonto igoro ase ense, korende ng’ai gose namoroche?”

⁽¹⁴⁾ Omogwekano oye okarusigwa asende. Inkaba nekerengererio, imocho ritaiyo, ng'a konyora namororire ase eterebiseni. Ekeru namoroche ore ang'e, ngetebia: "Namororire ase eterebiseni." Nigo narengwe koiguswa. Inkamanya ning'o orange.

⁽¹⁵⁾ Okororekana kw'obosio bwaye gokarusigwa asende ase oborori obo, erio nario ntamoinyore.

⁽¹⁶⁾ YESO agantebia: **"Okororekana kw'obosio bwaye nigo kwarusetigwe asore. Nigo kwarengwe gocha komenyera obwoba, nigo kwarengwe gocha kona gokagera ng'a nkogokorera are bobo. Obogima bwao nigo bwarengwe gocha gochandeka mono. Tinatagete ekio gekonyore. Korende nonya nabo, kera rituko abanto nigo bagokirirana nomobisa o kristo, saitani ore buna omonto."**

Chindoto na Amaroro
Egesieri 516, Oborori Namba 2

Oborori

⁽¹⁾ Omobisa o kristo bweariganirie nebirecha biaye erio abeke ense ase egesibo. Inkarora abarwani esegi aba bebirecha besogete chianga chimwamu, korwa omotwe goika inse ase ebisanyi bi'amagoro, naende beboyetie emeyio ase ebinama biabo.

⁽²⁾ Bagasoa Paris bebisete ime ase emete emetambe eichire amo ase chirori chigotenena ebara ensemu. Nigo baikaransete, baganyete ogochika korwa ase omonene obo, omobisa o kristo, saitani ore omonto.

⁽³⁾ Omobisa o kristo agachika ebirecha biaye ebio biarengwe ime y'emete emetambe ere amo amo: "Moise konyorwa," agateba, "moake mbaro (mosire), naende mooroke ekeru omochando oyio oetire."

⁽⁴⁾ Mambia chuni, ekeru bware gokiamoka, omobisa o kristo nebirecha biaye bibwate ebirwanero bi'esegi bagasoa Paris, omochie omonene O Fransi. Nigo bare abarwani esegi beariganetie buya naende begeirie – buya mono, batabwati chibunduki chiria chinene chikong'uswa nechigari.

⁽⁵⁾ Inkarigereria nonya oborabu bwa mambia

bwabwate rikongori. Abamenyi nigo baraire. Inkarora omobisa oyo o kristo okorwa enyomba eyemo gochia eyende, arore gose eng'enang'eni ya Daudi y'Abayahudi nere ase ebisieri bie chinyomba chia abamenyi. Agaeta ebiita atari kobibuna. Agaeta rioka atari kobakuna.

⁽⁶⁾ Kare nomoyio ase okoboko kwaye agasoa ase ebioreri na akagenda gochia ase ebisoero bi'ebisieri. Nigo are korigia eng'enang'eni ere mayaye ya Daudi, eng'enang'eni ya Abayahudi, erio ababutore emioyo.

⁽⁷⁾ Nigo yare bokiriru, etakageiri. Paris, omochie omonene O Fransi, okanarigwa nebirecha, biekoreranetie nemeyio, mambia chuni.

⁽⁸⁾ Inkairoka ebirecha ebi mono. Yeso agacha ang'e nasende. Nigo twarengwe bosio bw'ebirecha. Agantebia, **"Obuya bwane bwagoisanire. Nigo ore ase oborori."**

⁽⁹⁾ Inkamochia kogireka naende ingwe inse. Ingasinywa koeyana. Agantebia: **"Nao inde ang'e naye. Nkoirana nde gocha."**

⁽¹⁰⁾ Bono ngatigara inde inche bweka. Inkarora ebirecha ebi bikorwa esegi, bieboyetie chianga chimwamu ti, bietubete emetwe nechigosia, naende bire nebirwanero bi'emeyio: emeyio emioge mono. Omobisa oyo o kristo, kerecha omonyene, nere omonyene orange korigia Abayahudi. Akagenda agakora obotuki ense goetanana, nemechie emenene, okorigia eng'enang'eni eye ya Daudi igoro ase ebisoero bi'ebisieri biabo nase Abayahudi.

⁽¹¹⁾ Inkamorora ore ase ebisieri bia abamenyi ba Paris, abwo barengwe koigorera omobisa o kristo ebisieri biabo. Tibakagerete ng'a nigo are saitani ore buna omonto. Abanto nigo barengwe gokwana nere. Nigo esogete erong'i y'echinisi ere buru nesati enga mbariri, nigo arengwe kororekana buna monto onde bwensi oyio okorora ase chinchera chi'emechie emenene.

⁽¹²⁾ Inkarora omobisa o kristo ogocha ase ebirecha biaye, na akabatebia: "Eise koba aye kwairirwe, osire, naende tororekana namaiso a mwanabantu. Bwebise ime ase emete eye emetambe

eichoreranete amo. Moganye mbachike.”

⁽¹³⁾ Inkarora ng’a beariganirie naende nigo bakoayerera barwanié Paris na bayogambere, omochie oyio omonene nabamenyi baye, batabananie abanto ba **Paris** ekero bare ase ebitanda biabo, kobogokiamoka, na babanache emioyo.

⁽¹⁴⁾ OMOBISA O KRISTO nigo arenge korigia Abayahudi buna ebimoni *bikorigia* ebisambeba. Abayahudi bakabwatwa.

⁽¹⁵⁾ **Bono ebirecha**, bieboyetie chianga chimwamu ti, bietubete emetwe nechikobia, **beariganirie**. Bonsi bagaikaransa inse, barigereretie gochia ase chibara ase chibota (chirori chinke) echio chiarengé goeta chitari gotenena. **Nigo bare ang’e ase emeremo yabo y’ogoita abanto abange mono.**

⁽¹⁶⁾ “ARIMAGEDON”, omotomwa one agantebia, **“nigo ere enamba egenire y’esegi eyio eratabananie abamenyi bonsi b’ense.”**

⁽¹⁷⁾ Ebirecha nigo bire chibilioni ne chibilioni (ebinge mono). Nigo bire ebinge mono ekero okobireng’ania na mwanabantu abwo bare chibilioni 7 igoro ase ense.

⁽¹⁸⁾ YESO nigo akoreng’ania ebirecha ebio bire ebinge mono nabanto b’ense.

⁽¹⁹⁾ **Abanto b’ense mbaiguswe;** abasacha bonsi nabakungu bonsi mbaiguswe. **Nigo ere egonde y’ebirecha bi’esegi bikoirokia mono.** Ebirecha ebi ebinge mono bitari na mobaro nigo birache nechinguru ase ense, **nabanto nigo baraitwe ase obonge.**

⁽²⁰⁾ Ase oborori obo, *inkorokigwa*, **egonde eye y’ebirecha nigo barauchananie omochie oria omonene, PARIS.** Ase bono tibareorokia. **Nao bare Paris.**

⁽²¹⁾ **Yeso agateba,
“Nigo are
gesieri na monwa!
Obobe ase ense!
Obobe ase ense!”**

⁽²²⁾ **Yeso agateba**, “Abanto tibakonyara kobarwania. **Ng’ang’e ere!”**

⁽²³⁾ **“Abayahudi nabwo barabe abe ritang’ani gosirigwa, emioyo yabo nigo eranyenywe nebirecha ebi bitatubiri.”**

⁽²⁴⁾ Ekero omobisa o kristo nebirecha biaye bebisete ase batimokerete ensemu ase ebara, nigo nare bosio bwabo ase oborori obo.

⁽²⁵⁾ Saitani, kerecha ore omonto, nigo arenge gochika ebirecha biaye, “Genda ase chinka chia **abaAdibentista**. Tibabwati obotamero. **Genda ase chinka chia Abayahudi**. Tibarengé bantunyane. Kanga tibantegererete. Ekio negesusuro kiabo. Butora emioyo yabo. **Baite, ita abakungu, abana, abamura abasae, na abagaka abagotu; timoba nagetango kende gionsi.”**

⁽²⁶⁾ Inkaba ase oborori, nigo babagine ebiombe ao ao, babwate ebirwanero bionsi pi, na bakagenda ase emeremo yabo y’ogoita abanto.

⁽²⁷⁾ Nigo nare koiguswa ase engencho ya abaAdibentista; nigo nare koiguswa ase engencho ya Abayahudi. Tibabwate oborendi. Tibabwate obotamero.

⁽²⁸⁾ YESO nabo atebete, **“Inche bono tindi ase Laodekia.** Aba tibari basubati baminto, gose bamura baminto. Nigo bare abasaria. Nigo bare nomobisa o kristo.

⁽²⁹⁾ Konyora bwachakire gokiamoka. Abamenyi nigo baraire. Omobisa o kristo agateba baraganya goika bwakiamokire. “Bonsi nigo barabe isiko ye chinka chiabo. Esegé yachakire.”

⁽³⁰⁾ Abamenyi ba Paris konyora tibaramanya eki kiare bosio bwabo:

**Nigo erabe mobosokano
Onde tari oraminchorie!**

⁽³¹⁾ **Abadibentista, Abayahudi**, nabwo abatang’ani koba ase obororo bw’omobisa o kristo.

⁽³²⁾ **“Tibabwati obotamero,”** Yeso

agantebia, “**ekiagera nigo bare abanto bangirwe na tata one ore igoro.**”

⁽³³⁾ Ebirecha bigateba igoro ya Abayahudi na AbaAdibentista, “Basangereirie chimonga ime ya Fransi; tiga tobabutore emioyo. Tiga tobaite bonisi!”

Chindoto na Amaroro

Egesieri 516, Namba 3

Oborori

⁽¹⁾ Inkaba ase oborori.

⁽²⁾ Inkagenda ase chinyomba chia Abayahudi, ase bamenyete. Nigo barenge gosandwa nomobisa o kristo oyio orengere nobororo. Ebirecha biabwate emeyio nigo biare gosoa chinyomba chiabo ime na biabutora bonisi emioyo.

⁽³⁾ “**Bosio bw’omoganda oyo omobe mono, gesaku tikeri,**” YESO agantebia, “**gesaku tikeri keranyare korwana nemeika eye y’ebirecha.**”

⁽⁴⁾ “**Bekoreranirie!**

Bekoreranirie!

omomalaika agateba, oyio orengere nomoondoko goetera ase ogosoma oko.

⁽⁵⁾ YESO tatagete manye eki kiarenge ase ensemu y’amariko aya. Kobwatia oborori obo, okomaanoka nakwo oko:

“**Abayahudi abange mono mbaitwe, baria bang’anyete bagachia komenya aase gete, Abadibentista, nabanto abamwamu bare ime ya Boraya nase chinse chionsi chi’ense:**

Nigo ere omoerio

bw’ense!

Nigo ere omoerio

bw’esegi enene!”

⁽⁶⁾ Ekero arenge koigora ebimanyererio (emeuri) 7, Yeso agateba tata omwabo, “**Ngochande gokora obogambi bw’omobisa o**

kristo, saitani, nebirecha biaye.”

⁽⁷⁾ “**Nigo ere ang’e mono!**

Nigo ere gesieri na monwa!”

⁽⁸⁾ “**Obobe bw’abanyabibe bwaisanire!”**

Chindoto na Amaroro

Egesieri 516, Oborori Namba 4

⁽¹⁾ YESO, omwana o Nyasae, akang’orokeria:

“**Emeganda eye emenge mono y’ebirecha nao ere ase ebisaku, korende bebisete.**

Nao bare ase chinse chiabo, boigo na Hitira.”

⁽²⁾ “**OMOBISA O KRISTO nigo are kera aase, ore nomobere bw’omonto; nigo are kera aase,**” YESO agantebia, “**nigo akogambera, nigo akorigia ase agochia korwana nebirecha biaye.**”

⁽³⁾ Ense yonsi neng’ainwe ase okobao kw’ebirecha, bibwate ebirwanero bionsi pi naende bire buna abanto. **Obogima naboere igoro ase ense:**

Nigo ere OMOERIO bw’ense.

Nigo erabe bobo mono!

⁽⁴⁾ Inkarigereria. Emechie emenene nemeke yaurirwe abamenyi babo.

⁽⁵⁾ Ebirecha nigo birachake esegi ekero bogokiamoka, ekero abamenyi b’ense baraire:

Ense yonsi pi

neiguswe!

⁽⁶⁾ “**Abamenyi b’ense nigo baratabobo ke inse y’endamwamu y’ebirecha na omobisa o kristo:**

Eke ng’ang’e mono kere,” Yeso agateba.

Chindoto na Amaroro

Egesieri 516, Oborori Namba 5

⁽¹⁾ Ngasoa ase okorora

⁽²⁾ “**Nigo ere omoerio bw’ense! Nigo ere omoerio bw’ense!**” abamenyi b’ense bagaaka ekurate.

⁽³⁾ Inkarora abamalaika aba ebirecha bagosoa chinka chia abaAdibentista na echia Abayahudi. Nigo barenge kobangw’ania ekero bare borere ase baraire. Nigo barenge korera.

⁽⁴⁾ Inkarora YESO ogochicha. Akarwa aase

aachenu mono. Tareng konyara koremereria ebirero biabo. Agaetera aase aachenu na akeorokia ere omonyene ase egesieri gie hekalu ya igoro. Akarigereria ense na agatebia abaAdbentista:

⁽⁵⁾ **“Genda! Moreere chinyasae echio mwachorire; tiga chibatoorie! Ekero nareng korangeria, onde tari ong’iraneretie. Ekero nareng gotura, onde tari ong’igorerete. Genda! Reera emegwekano y’ogosasimwa yaino, ne chinyasae; tiga chibatoorie!”**

⁽⁶⁾ YESO nigo arigereretie gocha ase ense. Na oborori bokaera.

⁽⁷⁾ Eke nakio gekogera omwana o Nyasae atebete, **“Tibabwati egekengero. Nigo barabe ekerenga ki’ebirecha.”**

⁽⁸⁾ Nabamanyete. **Omobisa o kristo nebirecha biaye nao bare ime ya Boraya.** Mbarwanie Boraya engima, ekiagera naroch ebirecha biaye bire ime ya Switzerland beboyetie eyunibomu y’ense eye. Ekero nabiroche, bi

gaonchoreria. Naende nkabarora besogete chianga chimwamu, batubete emetwe nechikobia chigotuba emetwe naende bare nebirwanero.

⁽⁹⁾ **Biekoreranirie** ase **emeremo yabo y’oboiti, biariganirie.** Nigo bire ase chinse chionsi. Nigo biganyete omobisa o kristo abachike eki bagokora.

⁽¹⁰⁾ **Biebekire ang’e!**

Nigo erabe bwango mono!

Oyo NOMOERIO bwense!

Chindoto na Amaroro

Egesieri 516, Oborori Namba 6

⁽¹⁾ Ngasoa ase oborori.

⁽²⁾ Inkarora ng’a ase Abayahudi bamenyete ebirecha biababutoire emetwe:

⁽³⁾ **Oyo NOMOERIO**

BW’ENSE!

⁽⁴⁾ Egento kere ekebe mono nebirecha ebi nomobisa o kristo, nkeria ng’a nigo bare bosio bwane, nigo nkobarora bakonacha emioyo ya Abayahudi, nabanto abamwamu buna ching’ondi. Erio biasira korwa ase amaiso aane. Nigo bire aase gete ase emeremo yabo y’ogoita abanto ase obonge [*gosiria ebisaku*]. Mwanyabanto tibakobawata. Nigo bare emeika.

⁽⁵⁾ Abayahudi, abamenyi abwo bang’anyete gochia komenya ase gete, abaAdibentista, nabanto abamwamu, nigo barabe buna chimbeba ase bare. Nigo erabe chinsa chia mambia, ekero bogokiamoka nario omobisa o kristo nebirecha biaye bareorokie abanyene ase ense.

⁽⁶⁾ Ebisaku nigo bigochia gotaboboka binyore bire nebirecha bibwate emeyio ime ye chinse chiabo.

Onde tari oraminchorie!

Nigo erabe mobosokano

na ekero etakageiri.

⁽⁷⁾ **“Mobosokano, ekero etakageiri,”** Yeso agateba, **“buna obororo bw’okobina kw’omokungu ore morito.”**

⁽⁸⁾ Ase oborori, nkaigwa ng’a nigo bare koayerera erio bachake korwana. Nigo babwate ebirwanero bionsi, naende nigo betubete emetwe, bonsi nigo besogete chianga chimwamu.

⁽⁹⁾ Nigo nareng bosio bwabo, ingasinywa gosuka, ingaichana mono. Nigo nareng koiguswa. Nigo nare koiguswa. Emeyio yabo nigo yareng emioye mono yagwekaine risase, nigo yare komesera goika ngasinywa korora buya.

⁽¹⁰⁾ Ense engima temanyeti eki keyeganyete.

Yeso agaaka egeturi gochia ase ense:

“Obobe ase ense!

Obobe ase ense!”

“Omobisa o kristo

nebirecha biaye

nigo bare gesieri gi’ense,

ase egesieri gi’ense,

ase ebisaku bionsi.

⁽¹¹⁾ “Ase egesieri gi’ense:

nigo bare buna abanto

ase ebisaku bionsi.”

⁽¹²⁾ “Nigo bare Paris, ime ya Switzerland, ime ya Bocheremani, kera aase,” YESO agantebia.

“Nabo ngokworokia ebimanyererio bionsi bigoire, korende nigo orakwe ekero ogenderere te kobirora ase oborori.”

⁽¹³⁾ Omobisa o kristo agatebia ebirecha biaye bikire kiri, tibibaisa kwoga, erio nario baratabananie ense. Saitani nere orabe omonene bw’ense.

⁽¹⁴⁾ YESO agantebia: **Emiaka etato nekeng’ese (3 1/2), nonya ngoetania: Emiaka 4, na Hitira, neng’iti eria ebwate amagunchara buna ay’emanwa y’eng’ondi. Etini tekobao. Chitini chionsi nigo chirabe keria saitani arengete.”**

⁽¹⁵⁾ **“ARIMAGEDON,**

Yeso agantebia,

“nigo erabe ogoitwa kw’abanto okonene mono igoro ase ense.”

⁽¹⁶⁾ “Amanyinga y’abaraitwe takoera konywera gochia inse. Ense nesarigwe namanyinga aya onsi.”

⁽¹⁷⁾ Nigo kore ogoitwa kwa maiso marore. Ase chinse chionsi, ime ya Boraya na kera aase, Abayahudi mbaitwe, boigo na abaAdibentista, abamenyi abwo bang’anyete korwa sobo na abanto abamwamu nabwo baratang’anerwe; erio ebiombe binde bie chitini bibwatie.

⁽¹⁸⁾ YESO akanyorokia Fransi. Ebirecha nao bire

Paris. **Saitani nebirecha biaye mbigambere Paris:**

Onde tari oraminchorie!

⁽¹⁹⁾ **ARIMAGEDON:**

Omobisa o kristo, saitani ore omonto, amo nebirecha biaye, nigo bare esegi nabamenyi b’ense:

Nigo erabe

omoerio bw’ebinto bionsi.

⁽²⁰⁾ YESO agantebia:

“Nigo ere ang’e mono!

Okonyorwa kwabeire!

Onde takominchoria!”

Chindoto na Amaroro

Egesieri 516, Oborori Namba 7

⁽¹⁾ **“ARIMAGEDON,**

YESO agantebia,

“Nigo erabe ogoitwa

kw’abanto ase obonge.

Ense tekonyara konywa amanyinga y’abanto abwo baraitwe ase obonge.”

⁽²⁾ **“Arimagedon,**

YESO agantebia,

Nogosirigwa kwa Abayahudi, okw’abanto bang’anyete bamenyete ense ende, okwa abaAdibentista na abanto abamwamu, naende boigo nebiombe binde. Bonsi nao baraetere.

⁽³⁾ Egesaku gia **Fransi** tige konyara korenda abamenyi baye. Fransi, mambia chuni, ekero batakagereti, **nigo erabe inse ase endamwamu y’omobisa o kristo nebirecha biaye :**

Onde tari oraminchorie!

⁽⁴⁾ Obwo nabwo **obotomwa bw’ense** korwa ase **Yeso** gochia ase omotomwa oye **bw’Ekanisa ya Filadelfia, “Entigari.”**

⁽⁵⁾ YESO, otare namogoko na ase enchera ya beene, agateba:

Boka!

Boka!”

Chindoto na Amaroro

Egesieri 516, Oborori Namba 8

⁽¹⁾ Inkarora Yeso origereretie. Agateba

“BOKA!

BOKA!”

⁽²⁾ **“Omobisa o kristo amo nebirecha biaye nigo bire isiko ye chinyomba chiaino. Nigo bare gesieri gia aase omenyete. Nigo bachire gochinha omoyo, baite:**

“BOKA!

Nigo ore omoerio

bw’ense!”

⁽³⁾ Nigo narengi koiguswa: **“Nao bare gesieri, bosio bwe chinyomba chiaino.”** Inkarora ng’a ebirecha nigo biabekire kera aase, buna ebimoni, nigo biganyete chimbeba chisoke isiko korwa ase chinka chiabo bibutore emioyo yabo.

⁽⁴⁾ Inkarora ogoitwa kw’abanto abange [*ogosirigwa kw’ebisaku*] namaiso aane. Saitani nasoe chinka chia Abayahudi nebirecha biaye bikomotunyana, na mbabaite nemeyio yabo.

⁽⁵⁾ YESO agantebia: **“Engaki eria Abayahudi baitetwe abange mono, omotomwa tarengio ore gokurera Abayahudi. Rero nigo barabwatwe ekiagera bamenyete ime ya Fransi na kera aase ime ya Boraya. Abayahudi mbabwatwe. Abanene babo mbabatebie: Omorembe, omorembe nobotoereru.’ Mbabatebie ng’a mbarendire:”**

“Obwo noborimo!” YESO agantebia.

⁽⁶⁾ Amariogi naigweke, akobatebia ng’a

“Oyio nomotego.”

⁽⁷⁾ **Yeso agateba** **“Eyio nesegi mamincha yane.”** Abayahudi bonsi mbasirigwe ime ya Boraya.”

⁽⁸⁾ **“Genda!”** YESO agateba, **timobeegena. Nigo bakobang’aina. Nigo**

more aase akong’u. Timobwati oborendi ase engencho y’eng’enang’eni y’Abayahudi eyio mobwate igoro ase ebikuba biaino naende ase engencho Y’ESABATO.”

⁽⁹⁾ *“Engaki eyio Abayahudi baitetwe,”* YESO agateba, **“Abayahudi nigo bairetwe bagasambwa. ARIMAGEDONI** tari ero eshoa (ogoitwa okwo Abayahudi baitetwe). **Nigo ere ogoitwa kw’abanto abange mono. Amanyinga ya Abayahudi naminyoke ime ya BORAYA,** na ense nenywe amanyinga abo. Aande onsi ase bare, ebirecha mbibutore emioyo yabo, barabwo amo nechiamate chiabo.”

⁽¹⁰⁾ **“Ninki gekogera batang’anere Abayahudi? Ekiagera barendete rituko ria gatano na kabere RI’ESABATO:**

ARIMAGEDONI:

Ogoitwa kw’abanto abange mono.”

Chindoto na Amaroro

Egesieri 516, Oborori Namba 9

⁽¹⁾ Inkairwa ase oborori erio ndore ebirecha ebi. Inkanyora abasacha beboyetie chianga chimwamu korwa omotwe goika inse ase ebisanyi bi’amagoro, bare nemeyio ere emioge mono, betubete emetwe. Inkarora amaiso abo, ase amaboko abo nigo babwate emeyio, emeyio naende emeyio.

⁽²⁾ Ase oborori obo, inkarora ng’a ebirecha tibiabwate chigari chi’omorero, gose chibunduki chiria chindito chikong’uswa namagoro ye chigari, gose chibunduki chiria chinke bakobogoria; nemeyio yoka babwate. Nigo nare koiguswa. Inkaigwa chibota na, amakorokoro, agoeta aase aya iga..

⁽³⁾ Nigo narengi ase oborori ang’e nase emete emetambe ere amo mono. Ebirecha, bibwate ebirwanero bionsi, nigo biaganyete aase agotimokerwa ebara ensemu erio binyore ogochika korwa ase omobisa o kristo.

⁽⁴⁾ Inkabirora bire ang’e mono. Tibiabwate morembe ekiagera biabwate okogania gw’okobutora abanto emioyo. Nigo narengi koiguswa.

⁽⁵⁾ Inkarora abasacha aba ime ya Paris. Nao bire ime ya Paris. Bebekire ang'e ime ya Boraya, biebisete, erio bikore emeremo yabo y'ogoita abanto abange mono.

⁽⁶⁾ Hitira omoyia ngochia are kobwatana nebirecha erio baite abanto, babutore, emioyo ya Abayahudi, eya abanto bang'anyete korwa chinsobo, eya abaAdibentista na abanto abamwamu.

⁽⁷⁾ Eki narochi ase oborori obo nigo kiarenge ensemo enke. – Yeso agantebia: “Nigo orakwe ekeri ore ase oborori.” [Inse “*gokworokia ebinto bionsi bire ase ebimanyereri bigoire.*”] --- Ense terochi eki Yeso, omwana o Nyasae, anyorogetie. Abanto nigo baraire. Tibarochi kende. Keria kiabeire ang'e nigo kerabagose buna obororo bw'okobina kw'omokungu ore morito.

⁽⁸⁾ YESO nere otebete bo:

“Onde takominchoria!”

⁽⁹⁾ oborori obo nigo borure na YESO, omwana o Nyasae, erio ense **ekurerwe igoro y'omochando ore ang'e mono**, oyio oragose abanto bonisi: **ebisaku nigo bire inse ase okobua kw'ebirecha na okw'omobisa o kristo**.

⁽¹⁰⁾ Omobisa oyo o kristo nigo agoteba amang'ana aya – nkamoigwa – “Abanto b'ense eye nigo bare Sodomu na Gomora. Tibarenge na getango kende gionsi. Tibarenge bantegerere. Tibarenge bantunyane. Eke negesusuro kiabo.”

⁽¹¹⁾ Omobisa o kristo nabeke amachiko aye ase ebisaku, na ere amo nebirecha biaye mbisirie onde bwensi otamoigwere. “Ekio nakio kerabe egesusuro kiabo,” agateba, “Bonsi pi goika barende Chumapili.”

Oborori

⁽¹²⁾ Nigo birabe kera aase: **ense nemenywe nebirecha, buna engaki ya Hitira**. Nigo biarenge gotaara baroberete bare ebiombe ao ao, babwate emeyio.

⁽¹³⁾ Inkabarora ase oborori, mambia chuni, bateneine bosio bw'amaagacho amanene, baganyete baria bagoita, baikaransete inse buna ebimoni

biganete chimbeba chisoke korwa ase chingoro chiabo.

⁽¹⁴⁾ Ase igo, abamenyi bonisi nigo barabe abakorogigwa nebirecha. Tibabwati mabera.

Oborori

⁽¹⁵⁾ Bakanyora ogochika gw'okogenda ase ebiombe ao ao, ase emechie emenene nemeke.

⁽¹⁶⁾ **Fransi yatiekire koirwa** egesibo nabanto aba babwate ebirwanero. Neba torarora ebirecha ebi, nao bire. Korende Fransi temanyeti eke iga.

⁽¹⁷⁾ Okomaanora oko kwa Yeso nigo kwangosete. **Boigo Switzerland nero yanarigwe**. Abaswisi tibamanyeti. Tibiri kororekana, na nigo ere akong'u kogenda ase bire: Nigo bikooroka naende biasira. Nigo biganyete erio **bioroke buna abanto bakororekana, BATATUBIRI naende bare nebirwanero**.

⁽¹⁸⁾ Nigo narenge koiguswa. Nigo narenge buna emboba enyerere mono ekona konyegera.

⁽¹⁹⁾ **“Abarwani chisegi be chinse chionsi mbaiguswe,”** Yeso agateba. “Ebirecha ebi nigo bire ebinge mono bire ase okororekana kw'abanto, betubete emetwe, beboyetie chianga chimwamu, bare igoro ase ense.

⁽²⁰⁾ Ekeri ense eranarigwe, ebirecha ebi nigo birache mambia chuni. Nigo biasoete Boraya mambia chuni. Nao bire aroro, na onde tari okobirora. Aba nabanto bare nebirwanero, abwo baganyerere baite, banache emioyo, banywe amanyinga. Chimeme chiabo nigo chikonyegera buna ekemincha kie rirubi: Nigo ere ogokumia okonene mono!

⁽²¹⁾ Ense yonsi pi teramanya ng'a nigo egendererete koigwana nomobisa bw'okoondokia. Ebirecha tibiri abanto; ense tebwati oborendi; abamalaika abaya batigire ense na bachire igoro amo na Yeso, omwana o Nyasae.

⁽²²⁾ Eke nakio kiagerete YESO aagete egeturi gochia ase ense:

“Obobe, kera egento giasarigwe, ogosarigwa, ogoitwa kw'abanto

abange mono nkobachera kore!”

⁽²³⁾ “Eyio yachakire: **ARIMAGEDON.**”

⁽²⁴⁾ Ense engima nigo eraire ekero bagendererete kwarigania ebirwanero biabo.

⁽²⁵⁾ YESO akang’orokeria, “Nigo ere esegi ende naende eyio eratabananie ense mobosokano:

**Ense ere inse y’okobua
kw’ebirecha.”**

⁽²⁶⁾ Agantebia,

“Ense yonsi neiguswe!”

**Abanto bonsi
mbaiguswe!”**

⁽²⁷⁾ Omwana o Nyasae agateba, “Ekero Abayahudi bairetwe gochia goitwa, abarwani esegi b’ense mbayetenenetie. Korende esegi eye, ogoitwa oko okobe mono, abanto tibakonyara kogotenenia; nigo kore okobua kw’ebirecha.”

⁽²⁸⁾ Kende tikeri keranyare kobatenenia,” YESO agateba.

“Gesaku tikeri keranyare kobirwania:

**Oyo
nomoerio bw’ense!”**

omwana o Nyasae agateba.

⁽²⁹⁾ **Ogoakwa kwa gatano na kabere** nigo korauchananie ense erio gotenenie omobisa o kristo nebirecha biaye.

⁽³⁰⁾ YESO agantebia: “Engaki y’ogochakwa kwa gatano na kabere kera egento ngetenene. Endamwamu y’omobisa o kristo nebirecha biaye mbiikere omoerio:

**OMOERIO o ARIMAGEDON.”
YESO NGOCHARE!
NIGO ARE IGORO ASE AMARE.
Chindoto na Amaroro**

Egesieri 516, oborori Namba 10

Oborori

⁽¹⁾ Ebirecha nigo bigosira ekero bikorutwa amasasi nabarwani esegi b’ense. Bagaaka enduru: “Oyo nomoerio bw’ense! Oyo nomoerio bw’ense! Tibiri gokwa! Titokonyara kobiita.”

⁽²⁾ Nigo biarenge buna chingige, na nigo biare

gocharoka ang’e bikorusie obomoyo. Nabo bagosung’unana embeo igoro bitari gotinera inse. Nigo ere emeika y’ebirecha bire buna abanto. Nigo bigosira, erio naende biaoroka. Nigo bikogenda aare naende bioroka bosio bwa amaiso aane, ase emeremo yabo y’ogoita abanto abange mono [gosiria ebisaku].

⁽³⁾ Nigo are omobisa obwate okobua naende etanyarekane omobue. Ense ere inse ase okobua kw’ebirecha.

⁽⁴⁾ **ARIMAGEDONI** nigo eraere ekero ki’ogochakwa kwa gatano na kabere,” YESO agantebia.

⁽⁵⁾ **Igoro eigoke;
YESO ACHE**

igoro ase amare!

⁽⁶⁾ 144,000 moyo bare igoro ase ense. Nigo barendire negekengero ki’oborabu. Mbarore Yeso ogocha igoro ase amare. 144,000, abwo bare moyo, nigo baraetere ogoakwa kwa gatano na kabere (7).

⁽⁷⁾ Obwo nabwo bwarenge obobani bwa Yeso, omwana o Nyasae. **Nigo erabe bwango!**

Ngaki tichiyo!

⁽⁸⁾ **Boka!**

Ebirecha nao bire ase ebisaku nameyio yabo. Saitani, ore omonto, nigo agendererete kobaarigania ase ogoita oko okobe mono.

⁽⁹⁾ Abayahudi nabwo barabe aberitang’ani inse ase endamwamu y’omobisa o kristo, erio ebiombe binde bibwatie.

⁽¹⁰⁾ Omobisa oyo o kristo nigo atebete ng’a ense nigo ere Sodomu na Gomora, nyuma kairire abanto goika basiririe emioyo yabo.

⁽¹¹⁾ Bono nigo agocha konacha emioyo yabo, ogoteba: “Timwarenge montunyane. Timwarenge montererere. Eke negesusuro kiaino. Nigo mokonyenywa buna ching’ondi.”

⁽¹²⁾ Inkarora ebirwanero biabo chinsa chia mambia bikomesa. Nigo narenge ang’e komagaka. Oborori bokaera.

Chindoto na Amaroro

Egesieri 516, Oborori Namba 11

(1) Ebirecha tibimanyeti obwoba gose obororo gose amakweri.

(2) YESO agateba: “**Nao bire enka yao, ase egesieri kiao. Nigo bikorigia Abayahudi na binyora obomenyo bwabo ime y’emechie emenene nase chinyomba chiabo ase bamenyete. Nigo bire emeika. Abayahudi nigo batengeire (bakorotwa) abwo ase barabwo batarochi.**”

(3) “**Omobisa o kristo, saitani, nyachieni omonyene, nigo agotaara bosio bwe chinyomba erio aatanane Abayahudi. Nigo akonyonkerera (okobatiokerera) baria akorigia aite. Amaisio aye nigo akomesa buna aya ekebwe. Nigo are omochancha (omokora), ere nigo are ekebwe. Nabo akoigwa okobao kwabo ng’a nao bare, naende obaunya (oigwa rimisu riabo) ase chinka chiabo, ase bamenyete. Saitani namanyete ase bare, erio atebie ebirecha biaye ase bamenyete. Inkabirora bigosoa chinka chiabo na bikabanyenya nemeyio.**”

(4) Yeso akanyorokia, ebirecha nigo bigendererete gotwara Abayahudi, abaAdibentista, abanto bang’anyete ; buna chimbeba baasiorigwe:

Beariganirie!

Beariganirie!

(5) Omwana o Nyasae akanyorokia ebinto **bibisekanete**, erio **ense engima eorokerigwe**.

(6) **Obobe! Obobe!** Tekoba omogoko.

Ense engima

neiguswe!

Abanto bonsi

mbaiguswe!

Ebinto bionsi mbitenene.

Yeso agateba, “**ARIMAGEDON**, nigo ere **ogoitwa kw’obotindi obobe mono, ogoitwa maiso marore.**”

(8) “**Nigo erabe OMOERIO**

BW’ENSE,”

YESO agateba.

(9) Ase oborori obo, nkarora ng’a abarwani esegi ba Fransi tibabwati okobua gw’okorusia ebirecha ebi aroro. Bikagenda bikebisa. Inkarora abanto aba b’ense bakoiguswa buna amato. Nigo bairogete ase engencho y’amagima abo. Bakarora ebirecha ebi bire abanto, bibegete chianga chimwamu, bitubete emetwe, tibiakwete. Bagateba, bakorera na bagatiga ebirwanero biabo: “Oyo nomoerio bw’ense! Oyo nomoerio bw’ense! Titokobanyara. Ntobwate abarugi baito nabana baito. Obogima bwabo nigo bore aase akong’u.”

(10) Tibamanyete korwa amagima abo ekeng’wanso. Nkarora abasigari abwo abwo bakorera, “Oyo nomoerio bw’ense,” bakarera.

(11) Bakaba nomoondoko: Okonyenywa kw’Abayahudi, amo nokw’abamenyi.

(12) Nkarora ng’a ebirecha ebi nigo biare gocharoka gochia igoro mono, buna chingige, na gosira buna biachete. Tibiare kobugwa gose goonchorwa.

(13) Abasigari b’ense tibakonyara korenda Abayahudi, abamenyi, abaAdibentista, amo nabanto abamwamu. Nigo barabe batabwati oborendi, na abasigari nigo barenge batari na nguru mamincha y’abanto aba bare bebirecha. Tibarenge korwania abanto, korende nebirecha bare korwania, nechimashini chigoita.

(14) Eke nakio gekogera norogetigwe abanto aba batato abwo bamanyekanete mono, Hitira omoyia, eng’iti ebwate amagunchara buna ay’emanwa y’eng’ondi, amo noria ore mamincha ya kristo. Nigo babwate ekerenga ekemo kebwekaine: gosiria kegima Abayahudi korwa ase obosio bw’ense. Nigo ere esegi mamincha y’oyore igoro mono.

(15) Ense engima bwango nemenyere ARIMAGEDON, eyio erikire na Yohana ase Okomaanoka.

(16) “Ng’ange ere! Nigo ere ang’e mono! Onde takominchoria!” Yeso, omwana o Nyasae agateba.

(17) Abayahudi bonsi bare aare korwa Israeli tibakominchoria korwa ase oyo ore mamincha ya kristo. Nigo baranyenywe. Nigo naroché igo ase

okorora; nao nareng: Nigo bareng komena amanyinga ya baria baitire.

Chindoto na Amaroro

Egesieri 516, Oborori Namba 12

OBORORI

⁽¹⁾ Nyuma konaeteire amaroro aya y’ogokumia, chinguru chikang’erera. Tinareng konyara gokwana nonya ng’ake.

⁽²⁾ YESO akamanya buna nareng na agantebia, **“Rema.! Amaroro taraera. Obuya bwane bwagoisanire!** Nkogotoma inde gochia Paris naende. Oyo nomogwekano; nabo erabe igo ase chinse chionsi igoro ase obosio bw’ense.”

⁽³⁾ Nigo nareng ensemo asare, nigo are omotambe naende omonene. Agantebia, **“Jeanine, nkogotoma inde naende ase okorora gochia Paris.”**

⁽⁴⁾ Nyuma ntaragenda ase oborori obo, YESO agantebia: **“Tibwoboa, nao ore ensemo asende.”**

⁽⁵⁾ Nkaba timorochi YESO. Nkarigereria goetanana ase nareng, na ngetebia inche omonyene: “Iгаа, nimanyete aase aa. Nigo inde Haute Savoie, ime ya Fransi.

⁽⁶⁾ NKarora ase ekegoro igoro abanyanyimbo barigereretie gochia ase risase, besogete chianga chimwamu korwa omotwe goika ase ebisanyi bi’amagoro, bagosungusia emeyio eyio yare komesa ase engencho y’oborabu bw’erisase.

⁽⁷⁾ Ngaukorigwa nobomesu obo, na nkaba kingotema koimokereria omotwe one igoro ase okwebetereria, egekogera abasigari abwo nigo bareng gwaka egekuro, bagokura bagokwana amang’ana ayio ntamanyete.

⁽⁸⁾ Nkarora nga Yeso nigo achete ang’e nainche. Konyora nagoyire. Nigo nareng gotengechigwa, na ase okorora oko, ngaika ang’e, na nkarora ng’a nigo biareng omoganda bw’esegi bw’ebirecha bibwate emeyio. Nigo biareng bigokirie na tibiareng gotenena bikirete kiri. Nigo nareng gotengechigwa.

⁽⁹⁾ Ngaika ang’e mono. Nigo nareng korora amaiso abo oka. Kera egento kende gionsi nigo kiaboyirie chianga chimwamu nechikobia chigotuba

emetwe. Inkamanya chianga chiabo, echio chiagerete amanyinga aane agakenda kendi. Nigo bareng chimita 100 korwa asende gose ang’e ake, naende nigo bare goaka enduru, bakonyegeria emeyio yabo gochia igoro: “Amakweri, amakweri ase Abayahudi, abaAdibentista, abamenyi, abaFaransa, amo nechiamate chiabo!”

⁽¹⁰⁾ Ang’e nabarabwo ase oborori, inkaba nomoondoko, batari goonchoka: **nigo bare nerang’o y’amanyinga.**

⁽¹¹⁾ Nigo nareng koiguswa. Chimeme chiabo nigo chiare konyegera ime ase emenwa yabo buna ebimincha bie ching’iti ching’enda inse chire nobosongo obonene na nigo chiare goaka eriogi ringa buna erio erio. Nigo nareng koiguswa, nkoboa mono, ngasinywa gosuka. Nigo bareng koimokerera igoro korwa inse bagocharara ogocharara gotanyare gokwaneka. Nkarora eki getanyare korengererigwa. Tinabwate riogi rinde rionsi ndakwane. Ngasinywa kweyana.

⁽¹²⁾ Nkarora chigari chi’esegi, chigari chie chisegi chinyinge. Abanto aba babegete chigosi nigo bareng gotunyana chigari echi chi’esegi.

⁽¹³⁾ Magega, YESO nao areng ang’e nainche. Agateba, “Saitani, oyio ore mamincha ya kristo, nere ogochika kera oyomo obo.”

⁽¹⁴⁾ Yeso origereretie egari y’esegi ase saitani omonyene areng ase okororekana kw’omonto. Agantebia, **“Nkogotoma inde ase amaroro erio omorore ang’e mono. Toiroka. Obuya bwane bwagoisanire.”**

⁽¹⁵⁾ Ngaika ang’e ase egari eye y’esegi yareng korunda. Nkarora saitani omonyene, ore nerisankwa rinetu, etukia ere embariri, oyoreng otenenerete egari eye y’esegi. Nigo areng omobariri, erangi embariri. Igoro ase obosio bwaye obobariri bwagechirie ebigeri agiramorete mbiarengo, ebio biareng gotonya chintonyi. Nigo areng gokura, noromeme rwaye nigo rwasung’unaine. Nigo abwate obote bw’erang’o erio anyore egento anywe. Amaiso aye nigo are komesa buna Arimasi agosoka korwa ase chingoro chiaye asengencho y’obororo.

⁽¹⁶⁾ Ekero naroché amaiso aye, nkairoka mono. Epechi 11 12.9.2016

Ngatebigwa nomoika o Nyasae: “Nigo oroche enchoka, ekorokwa kerecha.”

⁽¹⁷⁾ Saitani agateba: “Amakweri ase Abayahudi! Ngochia inde kobaita mwensi!”

⁽¹⁸⁾ Nkarora egari eye y’esege ekominyoka bobo mono gekogenda kera ensemo. Nkarera. Nkarangeria: “YESO! YESO! YESO!” Nigo yarengere bobo mono! Nkobo mono.

⁽¹⁹⁾ Nkairana ang’e na YESO ime ya Haute Savoie; na agantebia, “Inee, **nomanyete ase bire, ebirecha ebi, abamalaika aba ebirecha? Nigo bire ime ya Paris, ime y’omochie omonene.**”

⁽²⁰⁾ Nkaremigwa namang’ana aye. Nigo biarengere aare korwa asende.

Chindoto na Amaroro

Egesieri 516, Oborori Namba 13

⁽¹⁾ Naende nkagenda ase amaroro korora Paris.

⁽²⁾ Buna ngoika ase omochie nkarora abanto bakonyenywa. Nkarora ng’a saitani ore negari yaye y’esege nigo arengere kotiringera inse emeganda y’abanto baria barengere goeta ase chinchera chi’omochie. Nigo arengere goeta igoro ya gento kende gionsi kiarengere konyegera.

⁽³⁾ “Ngochia kobaita inde mwensi!” Nabo arengere goaka eriogi igoro ase egari y’esege ime. Abarirete burure ase engencho y’obororo, oromeme rwaye nigo rwasung’unaine.

⁽⁴⁾ Nkarora emebere, emebere emenge ase chinchera chi’omochie, amanyinga, amanyinga kera aase. Kera egento nigo giaotoranetwe. Ngatebigwa nomoika o Nyasae: “Nigo oroche enchoka, ekorokwa saitani.”

⁽⁵⁾ Agatinera kera egento inse na akabuna nargasoa ase chisito chia Abayahudi, ebichinchio biabo. Kera egento nigo kiarengere mamincha y’Abayahudi; nonya nabaFaransa tibaminchoretie korwa ase ogoitwa oko. Chigari echi chi’esege nigo chiarengere gosaria kegima ebinto bionsi: chinyomba, chisito, chibara chinene, chitaya chinene chie chinchera chi’omochie.

⁽⁶⁾ Nesegi yarengere: abaitire, abaitire abange. Nkarora ng’a inse onsi nigo atubire nemegoko y’amanyinga. Chigari echi chi’esege nigo chiarengere nobobarimo na

nigo chiare korundigwa ase ekerundo ekenene mono.

⁽⁷⁾ Nkarorera ang’e ake, abaitire basenyentire nechigari chi’esege bakaba ebiengu. Baria barengere moyo nigo barengere goteema gokonya abaamate babo. Na barabwo boigo bakaraberigwa inse buna obonyansi. Chinchera chionsi, chikenye chigaichorwa nemebere ya abanto bakwete, buna ase omwaka bw’esege ya 1943-1944.

⁽⁸⁾ Nkang’uswa korigereria inse ase amaroba. Amanyinga nigo arengere kera aase: amatabekani, ase chibara, ase chinchera chi’omochie, nechikenye. **Paris nigo yarengere ase emegoko y’amanyinga** akominyokania. Nigo yakendete. Ebarabu nke ekagwa rituko erio.

⁽⁹⁾ Nkarigereria. Nigo yarengere mambia chuni. Onde naende tarengere nonya noyomo ase chinchera chi’omochie. Omochie nigo okwete. Chigari ch’iesegi chioka, chikoraagwa nebirecha na saitani omonyene, nachio chiare gosira na kooroka.

⁽¹⁰⁾ Nabo narochie amanyinga aburukaine nebarafu eye, ebitiringero bi’amanyinga yechigari chi’esege igoro ase ebarafu endabu. Chibara nchiarengere, chibara chi’amanyinga; amanyinga oka, ayio asiarokerete amagoro yechigari chi’esege. Chigari echi chi’esege nigo chiare goeta ase ebarafu igoro eye ebwate ebitamase bi’amanyinga. Nigo chiarengere korigia baria chiatagete. **Paris nigo yarengere inse y’obogambi bw’abasigari,** buna ekeru gi’esege.

⁽¹¹⁾ Nkarora ng’a ebarafu konya yatigire goiteka. Erioba konya riarabire. Nigo yarengere mambia chuni. Amare make narengere, na amasaria make y’erisase nabarete ase chinsemo chinde.

⁽¹²⁾ Nkarora ebarafu ase chigari chiatenenirie abwo ase narengere, chigari chitubire nebarafu; nkarigia obotamero agwo erio nyebise omonyene. Chinchera chi’omochie nigo chiarengere chimbariri namanyinga.

⁽¹³⁾ Omonto orengere agwo ase chigari chigotenengwa agantebia, **“Rema! YESO nagwanchete.”**

⁽¹⁴⁾ Nkagania mono komotebia: “Bera nainche.” Akagenda. Nkaba kinde inche bweka. Nkaba n’obokendu ake. Tinabwate egoti. Nkaremereria; nabo nanyarete koremereria.

⁽¹⁵⁾ Nkaba nomoichano o ime mono. Nkaba ntari amo Epechi 12 12.9.2016

na kende na ntari nabamenyi ba Paris. Ngachaka kwoboa. Erioba rigachaka goichorwa n'amare. Okoumata gokao. Embura omonyirira egatwa eyio yaburukanete namanyinga aria ase ebarafu igoro.

⁽¹⁶⁾ Nkaba ngochandeka mono kebirengererio. Nkamanya ng'a YESO tarengere naende igoro ase ense, omoika oye torengere naende igoro ase ense.

⁽¹⁷⁾ Omonto oria oria, buna andoche kinde inche bweka, kingoyete, ase chigari chigotenenigwa, agantebia, "Abamalaika bonisi ba Nyasae nigo bachigetwe bakairana gochia igoro, bagatiga ense amo nabamenyi baye ase oria ore mamincha ya kristo amo nebirecha biaye, Hitira amo neng'iti eria ebwate amagunchara buna ay'emenwa y'eng'ondi."

⁽¹⁸⁾ "Yeso omonene oo, bono naende tari aase aachenu mono. Nasogete korwa aroro. Tari naende omorwanereri bw'abanto."

⁽¹⁹⁾ Nkaragwa nomoika: "Yeso orure aase aachenu mono. Ase bono iga nigo are amo na Jeanine ase amaroro. Tinamoroche. Nkaganya egeka egetambe imorore. Nkairoka mono. Rituko rigachaka koera ng'ooro; naende nkarora chigari chiria chi'esegi ase obonge. Nkaiguswa. Nkarera, nkarera buna ntana korera rinde ase obogima bwane. Omoyo one ogachandeka.

⁽²⁰⁾ Nkarigereria igoro ase erioba korora gose Yeso tari igoro ase riire amo nabamalaika baye. Ekaba egeka egetambe. Ngaaka eriogi nechinguru chiane chionsi: "YESO, YESO! Ng'ai ore?" Okwegena kwane kogateemwa mono. Goika narengere komenya YESO ataiyo. Nigo yarengere omochando; goika narengere koremereria.

Chindoto na Amaroro

Egesieri 516, oborori Namba 14

⁽¹⁾ Ase ogoteemwa oko, nigo narengere inche bweka ase enchera enkendu ti y'omochie, ntabwati endagera, nkagenda ase amaroro.

⁽²⁾ Nkarora ogochandeka kwa **YESO igoro ase omosalaba, buna ase okomesa.**

⁽³⁾ Naende nkarera gochia igoro: "**YESO! YESO! YESO! Ng'ai ore? Inchuo, nagosoroire.**"

Nagosoroire, ndorere amabera!"

⁽⁴⁾ Amagoro aane akaba amagandi igoro ase ebarafu. Ngasemeria. Nigo narengere koiguswa. Nkobia mono. Nkagoya.

⁽⁵⁾ Nkaba ng'endererete korora chigari chi'esegi chi'ebirecha ime ye chinchera chi'omochie o Paris, chigoeta-eta ase ebarafu igoro etubire namanyinga. Korwa ekero gochia ekende, omonto ore goeta nigo arengere koayerera gochia nka gakwebisa.

⁽⁶⁾ Embura eyio yaburukaine n'ebarafu ekaroisia emegoko ang'e kera aase. Nkarora ng'a amanyinga y'ebitondo, aburukaine namache y'embura, nigo arengere gotirimboka ase chikenye. Nkeigwa ng'a ngokwa inde.

⁽⁷⁾ Ngasiria okorora okwo, na nkenyora omonyene inde na YESO. Ekero namoroche, ngataka komotebia eki naeterete.

⁽⁸⁾ Akandorerera amabera na agantebia, "**Ikaransa inse ang'e nase nde. Obuya bwane bwagoisanire.**"

⁽⁹⁾ Nigo arengere gonkwanera; ko tinamoigwete. Nigo nateemetwe mono.

⁽¹⁰⁾ Agantebia, "**Emechando ng'ang'e ere. Abanyaborongere goika baetere emechando eye amo nogoakwa kwa gatano na kabere (7); erio omoerio omanyere gocha, amo nokoira kwane ase amare igoro.**"

⁽¹¹⁾ "**Gwaeteire ensemu eyemo y'amaroro igoro ya ARMAGEDON.**"

⁽¹²⁾ Erio agantebia, "Igora *Ebuku* ase egetabu gia Danieli bosio bwane."

⁽¹³⁾ Tinkoreti bo. Agankorerera bo na agantebia, "Obuya bwane bwagoisanire!"- nkeigwa buya ake.

⁽¹⁴⁾ Agankwanera igoro ya Danieli 12:11 na 12:

OMOITI.

⁽¹⁵⁾ "**Kwarorire ensemu eyemo,**" agantebia, "ensemumende enene na y'okoondokia mono ngochere."

⁽¹⁶⁾ Agantebia nyegere ebibungo ebi, imbe ang’e, naende ndarie amaroro aya.

⁽¹⁷⁾ Ngateemwa mono nyuma y’amaroro aya.

⁽¹⁸⁾ Agantebia, “Kwarorire keria Danieli aroche: Ogosirigwa kw’Abayahudi: **ARMAGEDON**.

⁽¹⁹⁾ **“Nigo erabe OMOERIO
bw’ense,”**

YESO agantebia.

⁽²⁰⁾ Erio akairanerera enkwana eye:

“Nigo ere OMOERIO

bw’ebinto bionsi.”

⁽²¹⁾ **“Ngochichande bwango.**

Nigo kore ang’e mono!”

⁽²²⁾ **“144,000 nigo babekeire
ekemanyererio kia Nyasae. Babeire
ang’e ase esegi enene!”**

⁽²³⁾ **“ Ngochichande!”**

Jeanine Sautron